



Bases que rexen a selección para 2023-2024 dos integrantes da Banda Sinfónica Xvenil Galega

1. Obxecto da convocatoria

É obxecto da presente convocatoria a selección dos integrantes que formarán parte da BSXG. A comisión seleccionadora elaborará unha lista de músicos en reserva o máis ampla posible.

2. Quen pode presentarse

Terá a posibilidade de participar nesta convocatoria todo músico que estea dado de alta no censo de músicos federados da FGBMP. O nivel mínimo esixido é **4º de Grao Elemental ou nivel interpretativo equiparable** e con límite de **17 anos cumpridos no día da inscrición**.

Aquelas persoas que participasen no proceso selectivo de 2022 poden volver presentarse a esta convocatoria co obxectivo de actualizar a súa cualificación.

3. Inscrición

A inscrición estará aberta entre o 26 de maio e o 5 de xuño de 2023 (incluído) e realizarase mediante o seguinte [formulario](#)¹. Enviarase un vídeo mediante atallo a YouTube ou plataformas similares no que se interpretará unha obra de libre elección que terá unha duración máxima de cinco minutos (de enviar unha obra de maior duración, só se terán en conta os primeiros cinco minutos).

Pode gravarse todo continuado ou en fragmentos; para facilitar o proceso, non é obrigatorio que de trate dun vídeo sen cortes.

A Federación informará de calquera tipo de incidencia no proceso de inscrición. Se houber, habilitará un prazo de 2 días hábiles para a corrección de erros, tras os que a Federación procurará dar resposta nun prazo inferior a 3 días hábiles.

4. Valoración

A Federación delega a potestade avaliativa para o proceso de selección a unha comisión de expertos, creada expresamente para tal fin, que valorará a todos os músicos participantes neste proceso.

¹ Formulario: <https://forms.gle/hE694dbSHDfziz2b9>



5. Publicación das listas

A Comisión Delegada da Avaliación emitirá un informe das valoracións realizadas. A FGBMP publicará unha listaxe onde só constarán os documentos de identidade (en formato reducido) e a cualificación obtida.

6. Relación coa BSXG

A validez desta convocatoria terá unha vixencia de 2 anos prorrogables.

7. Orde de chamada

Nas actuacións e actividades que realice a BSXG, os músicos serán chamados gardando rigorosamente a orde da lista segundo as puntuacións obtidas. No suposto de que algún compoñente non poida acudir aos ensaios e concertos, chamarase ao seguinte da mesma. A xerencia artística terá a posibilidade de chamar aos reforzos que considere estritamente necesarios, previa autorización da Xunta Directiva.

Aclaración para novos aspirantes: tal e como se indica no apartado 10, realízase canto menos unha convocatoria cada dous anos. Como no ano 2022 tamén se abriu convocatoria, eses participantes terán prioridade no chamamento, pois o seu período é dos anos 2022 e 2023.

Aclaración para participantes na convocatoria de 2022: como o voso período é para os anos 2022 e 2023, recomendámosvos enviar vídeo nesta convocatoria para seguir participando nas actividades de 2023 e 2024, xa que deste modo se actualizará a vosa puntuación.

8. Músicos seleccionados

Aos músicos seleccionados aplicaráselle o regulamento interno. Adquiren o compromiso de estudar as partituras que lles sexan entregadas así como de asistir aos ensaios e actuacións e acatarán as decisións da dirección e organización artística.

9. Relación coa FGBMP

Cada músico participante asume a pertenza a un proxecto sen ánimo de lucro cuxos obxectivos principais abranguen a consecución da posta en valor das bandas de música populares galegas a través dunha banda de bandas na que todas elas poderán ser representadas polos músicos galegos de máis elevado nivel interpretativo.



Os músicos poderán solicitar, se así o precisan, certificacións de colaboración nos proxectos desenvolvidos.

10. Renovación das listas

Salvo impedimento de forza maior, realizarase unha actualización das listas cada dous anos. Se nese período o número de reservas non fose o necesario, abriríase unha nova convocatoria de selección.

11. Incidencias

A Xunta Directiva da FGBMP resolverá calquera incidencia relativa a esta convocatoria.